

URRETXU-ZUMARRAGAKO KAPOI SARIKETAKO

ARAUDIA 2023

1.- KAPOIA

Sariketa honetarako, ebakuntza bidez bi barrabilak kendu zaizkion oilaskoa hartuko da kapoizat (Faisaien adarreko *gallus gallus* motakoa).

Irenduta egongo denez, kapoiak ez du hankatako ezproirik izango, ezta kukurrik ere, eta baldin badu, txikia eta zuri-gorrixka izango du. **Kukurra ezingo da moztuta egon.** Belarri alde eta lepezpi aldeak ere zuri-gorrixkak izan beharko ditu. Ez du kukurrukurrik joko, txistu moduko txiki bat baizik.

2.- ARRAZAK

2.1.- EUSKAL OILOA ARRAZAKO KAPOIAK:

Euskal oiloa arrazako kapoiak, MARRADUNAK, GORRIAK, LEPASOILAK, BELTZAK eta ZILARRAK izan daitezke. **Baserri bakoitzeko 3 kapoi pare aurkez daiteke** eta 12 hilabete baino gutxiagokoa izan beharko du .

Bikote onenak izendatu ahal izateko, kapoiaren, lumaren kolorea, distira, tamaina, itxura, eta arraza nahiz mota bakoitzaren ezaugarri bereziak hartuko dituzte kontuan epaimahaikideek irizpide nagusi gisa.

2.2.- ARRAZA ARRUNTEKO KAPOIAK:

Kapoi hauetan ere **3 pare aurkeztu ahal izango dira**, eta 12 hilabete baino gutxiagokoa izan beharko du.

Bikote onenak izendatu ahal izateko, itxura eta haragitarako duten gaitasuna hartuko dituzte kontuan epaimahaikideek irizpide nagusi gisa.

Epaimahaiaren erabakia aldaezina izango da.

3.- SARIKETAKO EPAIMAHAIA

Sariketako epaimahaia Urretxu eta Zumarragako alkateek izendatuko dute zinegotzi arduradunen proposamenaren arabera, eta horretarako kontuan hartuko da gai honetan adituak diren erakunde publiko nahiz pribatu edo jakitunen iritzia.

Epaimahaikideak gutxienez bi teknikari izango dira, eta gehienez bost, guztiak gai honetan jakitunak.

Udalek izendatuko dituzten langileen laguntza jasoko du Epaimahaiak.

Aldez aurretik jakingo da zein diren epaimahaikideak.

Epaimahaiaren erabakia aldaezina izango da.

4.- SARIKETAKO BALDINTZAK

Urretxu-Zumarragako Santa Lutziko kapoi sariketan parte hartzeko, kapoizaleak kapoiak garbi eta txukun, osasunez ondo daudenak, eta 1. puntuaren esandako baldintzak betetzen dituztenak aurkeztu beharko ditu. Lehiaketatik kanpo geratuko dira gaixotasunen bat duten kapoiak.

Kapoizaleak aldeztu aurretik izena eman beharko du Urretxuko kultur etxean nahiz Zumarragako kultur etxean, **azaroaren 21eko** eguerdiko 12ak baino lehen; 943-03.80.88 edo 943-72.35.10 telefonoetara deituz ere egin daiteke.

Izena ematerakoan honako datuok ekarri beharko dira:

- Kapoizalearen izena, helbidea eta NA zenbakia.
- Kapoiak hazi diren baserriaren izena eta ustiaketa txartel zenbakia.
- Kontu zenbakia (20 digitu)

Kapoizaleak berak ekarri beharko ditu kapoi pareak, hegaztiak lekuz aldatzeko baimen txartelarekin batera, eta antolatzaileen aurrean aurkeztu abenduaren 13ko goizeko 7,30etatik 8,30etara bitartean, Kalebarren-Areizaga plazan. Momentu horretan, bertan egongo den albaitariak oniritzia eman beharko dio bai animalari baita dokumentazioari ere. Kapoiak, berriz, ezin izango dira jaso eguerdiko ordu biak arte.

- **Oharra: Hegaztiak lekuz aldatzeko baimen txartela aurkeztea ezinbestekoa da parte hartzeko.**

Antolatzaileek ez dute bere gain hartuko sariketara ekarritako kapoien lapurretarik, ez kapoien min hartzerik, ez bestelakorik.

5.- SARIAK

2023ko sariak honakoak izango dira:

5.1. Euskal oiloa arrazako kapoiak:

3 sari (gehienez) 150€koak. (Eskualdekoa* bada 100€ko gehigarri bat izango du)

5.2. Arraza arrunteko kapoiak:

3 sari (gehienez) 125€koak. (Eskualdekoa* bada 100€ko gehigarri bat izango du)

Sariekin batera garaikurra emango da.

Sariketan parte hartu baina saririk jaso ez duten gainerako pareengatik 25 euroko dieta jasoko dute (beraiek emandako kontu zenbakian sartuko zaie dirua).

Sariak Kalebarren-Areizaga plazan banatuko dira, Santa Lutzi egunean bertan eguerdiko 1,30etan hasiko den ekitaldian.

Kapoizalea ez bada ageri sari banaketan, sariari uko egin diola ulertuko da.

Oharrak:

- Kapoi zaleak bere kapoiak saltzeko aukera du eta informazio orri batez erraztu egingo zaio.
- Eskualdean* Legazpi, Zumarraga, Urretxu, Ezkio-Itsaso, Gabiria eta Ormaiztegi sartzen dira.

URRETXU-ZUMARRAGAKO OILASKO SARIKETAKO

ARAUDIA 2023

1.- ARRAZAK

Sariketa honetan Euskal Herriko baserrietako larreetan ibili ohi diren EUSKAL OILOA ARRAZAKO eta ARRAZA ARRUNTEKO oilaskoek parte hartu ahal izango dute. Arraza bakoitzak bete beharko dituen baldintzak hauek izango dira:

1.1.- EUSKAL OILOA ARRAZAKO OILASKOAK

Euskal oiloa arrazak dituen 5 motetako edozein aurkeztu ahal izango da, hau da, MARRADUNA, GORRIA, LEPASOILA, BELTZA edo ZILARRA. **Baserri bakoitzeko oilasko pare 1 aurkez daiteke** eta 6 hilabete baino gutxiagokoa izan beharko du .

Bikote onenak izendatu ahal izateko, lumaren kolorea, distira, tamaina, itxura, eta arraza nahiz mota bakoitzaren ezaugarri bereziak izango dituzte kontuan epaimahaikideek irizpide nagusi gisa.

1.2.- ARRAZA ARRUNTEKO OILASKOAK

Oilasko hauetan ere **pare 1 aurkeztu daitezke**, eta 6 hilabete baino gutxiagokoa izan beharko du.

Bikote onenak izendatu ahal izateko, itxura eta haragitarako duten gaitasuna hartuko dituzte kontuan epaimahaikoek irizpide nagusi gisa.

2.- SARIKETAKO EPAIMAHAIA

Sariketako epaimahaia Urretxu eta Zumarragako alkateek izendatuko dute zinegotzi arduradunen proposamenaren arabera, eta horretarako kontuan hartuko da gai honetan adituak diren erakunde publiko nahiz pribatu edo jakitunen iritzia.

Epaimahaikideak gutxienez bi teknikari izango dira, eta gehienez bost, guztiak gai honetan jakitunak.

Udalek izendatuko dituzten langileen laguntza jasoko du Epaimahaiak.

Aldez aurretik jakingo da zein diren epaimahaikideak.

Epaimahaiaren erabakia aldaezina izango da.

3.- SARIKETAKO BALDINTZAK

Urretxu-Zumarragako Santa Lutziko oilasko sariketan parte hartzeko, oilaskozale bakoitzak oilaskoak garbi eta txukun, osasunez ondo daudenak, eta 1. puntuan esandako baldintzak betetzen dituztenak aurkeztu beharko ditu. Lehiaketatik kanpo geratuko dira gaixotasunen bat duten oilaskoak.

Oilaskozaleak aldez aurretik izena eman beharko du Urretxuko kultur etxean nahiz Zumarragako kultur etxean, **azaroaren 21eko** eguerdiko 12ak baino lehen; 943-03.80.88 edo 943-72.35.10 telefonoetara deituz ere egin daiteke.

Izena ematerakoan honako datuok ekarri beharko dira:

- Oilaskozalearen izena, helbidea eta N.A. zenbakia.
- Oilaskoak hazitako baserriaren izena eta ustiaketa txartel zenbakia.
- Kontu zenbakia (20 digitu)

Oilaskozaleak berak ekarri beharko ditu oilaskoak, hegaztiak lekuz aldatzeko baimen txartelarekin batera eta antolatzaileen aurrean aurkeztu abenduaren 13ko goizeko 7,30etatik 8,30etara bitartean, Kalebarren-Areizaga plazan. Momentu horretan, bertan egongo den albaitariak oniritzia eman beharko dio bai animalari baita dokumentazioari ere . Oilaskoak, berriz, ezin izango dira jaso eguerdiko ordu biak arte.

- **Oharra: Hegaztiak lekuz aldatzeko baimen txartela aurkeztea ezinbestekoa da parte hartzeko**

Antolatzaileek ez dute bere gain hartuko sariketara ekarritako oilaskoen lapurretarik, ez oilaskoen min hartzerik, ez bestelakorik.

4.- SARIAK

2023ko sariak honakoak izango dira:

4.1. Euskal oiloa arrazako oilaskoak:

3 sari (gehienez) 125€koak (Eskualdekoa* bada 80€ko gehigarria izango du)

4.2. Arraza arrunteko oilaskoak:

3 sari (gehienez) 100€koak (Eskualdekoa* bada 80€ko gehigarria izango du)

Sariekin batera garaikurra emango da.

Sariketan parte hartu baina saririk jaso ez duen gainerako pareagatik 20 euroko dieta jasoko dute (beraiek emandako kontu zenbakian sartuko zaie dirua).

Sariak Kalebarren-Areizaga plazan banatuko dira, Santa Lutzi egunean bertan eguerdiko 1,30etan hasiko den ekitaldian.

Oilaskozalea ez bada ageri sari banaketan, sariari uko egin diola ulertuko da.

Oharrak:

- Kapoi zaleak bere kapoiak saltzeko aukera du eta informazio orri batez erraztu egingo zaio.
- Eskualdean*: Legazpi, Zumarraga, Urretxu, Ezkio-Itsaso, Gabiri eta Ormaiztegi sartzen dira.